

18/5
A. D.
DISSERTATIO INAUGURALIS MEDICA,
D E

MORBIS BIBLI- CIS N. T.

Quam
IN UNIVERSITATE FRANCOFURTANA

Ex

DECRETO GRATIOSISS. FACULTATIS MEDICÆ
SUB PRÆSIDIO

DN. CONRADI JOHRENI,

PHIL. & MED. U. DOCT. Hujusque PROF. PUBL. ORD.
ad hunc Actum DECANI SPECTABILIS,

PRÆCEPTORIS ATQVE PATRONI PIÆ COLENDI,

PRO LICENTIA,

SUMMOS IN FACULTATE MEDICA
CONSEQUENDI HONORES DOCTORALES

solenni examini submittit

H. L. Q. C.

D. XVI. Februar. Ann. M DCC IV.

M. GEORG. PETRUS Schulk /

Francofurt. March.

Francofurti ad Viadrum, Literis CHRISTOPHORI ZEITLERI.



B. C. D.
DISSERTATIO

De

MORBIS BIBLICIS N.T.

§. 1.

DE Morbis Biblicis N. T. differentes
citra ambages de Titulo haud solliciti, ad
rem ipsam transimus statim. Videbis L. B.
Terminorum Medicorum, quibus Scripto-
res N. T. usi, evolutionem perbreuem, cam-
que, prout Instituti ratio postulat, tum Phi-
lologicam tum Medicam. Plurimi inveniuntur Morbi
denominati in N. T. Sed hac vice Quosdam tantum tuo
Judicio exponere potuimus. Cognosces interea ex Tra-
ctatione praesenti, quis nobis fuerit animus & Sepositos
Morbos tractandi, si majora nobis concesserint Negotia
Otia,

§. 2.

Hisce praemissis ad morbum foeminae Matth. IX. ut
transitum faciamus, qui morbus fuerit, quæque ejus ratio,
inter Autores quaeritur. In Textu *γυνὴ αἱμορροῖσα* *Mulier*
sangvislua seu sanguinis profluvio laborans dicitur, quem-
admodum & versio Syriaca hoc vocabulum satis explicans
vertit: *Mulier cujus Sanguis profluxerat.* Morbus igitur
αἱμορροῖς vel *αἱμορραγία* fuit; prout hæc vocabula quando-
que

que pro Synonymis reperiuntur, quandoque ex Sententia *Galen*i discrimen quoddam agnoscunt, dum hæc copiosa sit Sangvinis effusio, illa, cum sangvis paulatim exit: Fluxus porro dum sangvinis innuitur, cujus indolis fuerit diverse decidunt Autores. Quidam a venarum hæmorrhoidalium quæ sedem perreptant defluxu deducunt, atque ansam dedere *Aderol. c.* sese opponendi, & per Tributum istud lunare cruentum foemineum explicandi. Adsociat se huic *Beza, Piscat. Thom. Bartholin. de M. B. p. 79. Mercurial. L. 4. de Morb. Mul. cap. 7.* Alii fluxum Seminis vertunt, eumque honestiori vocabulo sangvinis fluxum vocari perhibent. *Brutus ad h. l.* scribit, laborasse foeminam infirmitate interna membrorum vitalium, ita ut alimentum omne prope converteretur in sangvinem ineptum ad nutritionem, quem nativa virtus non posset in venas digerere, itaque effluere coactum per partes secretiores, hincque foedum & pudendum fuisse morbum. Hæc ille quidem commentatur, sed quam obscurus quoque sit, omnes vident. Nos *B. Bartholino* consentientes medice describimus Mentium fluxum immodicum, quod sit Nimii Sangvinis menstrui per Uterum excretio a vasorum Uterinorum apertione producta, *Causa* igitur *immediata* erit vasorum quovismodo facta apertio s. Anastomosis s. Diæresis, s. Diapedesis sit: *Mediatam* in sangvinis vel acrimonia vasa erodente, vel nimia copia vel motu extraordinario ostia eorum pulsante & premente quærendam, brevibus concludimus. *Signa Diagnostica* *Affectus* per se patent, & ex querelis ægrotarum facile cognoscuntur: *Causæ* item facile apparent. Nam Plethora evidens: Acrimoniam ut & motum auctum arguunt tum excretus Sanguis, tum in exernendo dolor & ardor. Anastomosi præcedunt causæ eam inducere aptæ e. g. æstus, coitus immodicus, partus laboriosior, abortus, mensium

sup.

suppressio &c. Diæresin, dolor & ardor circa cervicem u-
teri, mutatus color sanguinis, excoriatio, Phlogosis &c.
Prognosis quod attinet, periculosa sane est, imprimis in adul-
terioribus & si immodice duret. Vires enim exsolvit, Hy-
dropis, Ascitis, Anasarca, Cachexia, angustia pororum
tum in universo corpore, tum maxime in ipso utero, Inflam-
mationis, exulcerationis aliorumque morborum prodro-
mus est. Oriuntur præterea Vertigines, capitis dolor, lipo-
thymia, Lassitudines, Langviores totius corporis facies pal-
lida, inappetentia, sitis, dolor lumborum, tumor pedum
& sexcenta alia symptomata, quæ miseras mulierculas mi-
sere affligunt. Hoc tamen adhuc notandum, illum flu-
xum per Diapedesin minus, per anastromosin magis, per
Diæresin maxime periculosum tradi a Medicis. Ad Cu-
ram ordinariam antequam nos convertamus, brevibus Me-
dicamenta a R.R. passim in scriptis eorum contrahunc af-
fectum muliebrem commendata videbimus, forte & huic
foeminæ nostræ præscripta olim: quoniam *ἡ τις ἰατροῖς προσ-*
ανελώσασα ὅλον τὸν βίον. D. L. Die hatte alle ihre Nahrung
an die Aertzte gezwandt. Sic vero illi: Bab. Schabb. fol.
110. dixit R. Jochanan. Recipe מתקל זונה קומא אלכסנדריא
Gummi Alexandrini pondus Sufæi, & pondus Sufæi זביא
Aluminis. כירכמא רישקא Croci hortensis pondus
Sufæi. Conterantur hæc una, & in vino dentur foeminæ
ἡμorroσση

Si hæc non prosint

Accipe תלתא קפיי שמכי פרסאי Ceparum Persicarum
ter tria Log. vino coquantur, atque inde eam potare de-
bes, dicasque קום מזור surge a profluvio tuo.

Si hoc non valeat,

Siste eam in aliquo bivio, manuque teneat poculum vini:
Veniatque aliquis à tergo ejus eamque terreat, dicens
קום מזור surge a profluvio tuo.

Aliud Remedium si precedentia nihil obtinuerint.

Recipe בונה דמריקא Manipulum Cymini, בונה דמריקא Manipulum Croci, בונה דשכלי לתא Manipulum foeni
Græci: coquantur vino, & dentur ei potanda, cum clausu-
la ordinaria, surge a profluvio tuo.

Aliud.

Fodiant septem foveas, in quibus comburant sarmenta
quædam vitium non circumcisarum, i.e. quæ nondum
quadriennium attigerunt. Accipiatque in manu sua po-
culum vini: deinde illam in unaquaque fovea sedere faci-
ant, & dum illam ex una in aliam amoveant, dicant, Surge a
profluvio tuo. Hæc etsi illis relinquimus Medicamenta,
& paucis ad Curationem prouti in Medicorum nostrorum
Scholis recepta, oculos convertimus. Commendantur ab
illis Rad. bistortæ, Tormentillæ, Sem. plantag. sumach, &c
Corall. rubr. Lap. hæmatit. præpar. Bol. Armen. Unic. Sangv.
Drac. Terr. Sigill. Magist. Corall. Terr. Japon. Test. Ovor.
ad albed. calcinat. Cort. Peruv. Troch. de Carab. Rd. Ipeu-
canh. Vitriol. Mart. T. Sulphur. T. Lap. hæmatit. Spertiola
Crollii, Spec. Diamart. Diaplang. Myns. Pilulæ Stypticæ
ejusdem, Mixtura Styptica Sylvii. Essent. Mumix. Usnea,
Cranii humani vel interne, vel externe adhibita, Gummi
Trajacanth. Arab. Ceraf. Laudan. Opiat. quod quidem sine
Croco & Castor. conficiendum ad usum præsentem volunt.
Etsi ex quibus pro re nata variæ componi possunt Formu-
læ. Martiata vero præ cæteris commendat Experientia, ut
& Rasuram ligni quercini, & Decoctum Cupularum glan-
dium. Opiata caute adhibenda, ne in Hydropem denegeret
morbus, interim tamen non in totum negligenda. Jam
postquam vidimus, quæ Prognosis diuturnioris fluxus, ad-
miranda sane res, quod XII. Annorum hoc Malum tamdiu
vitam concedere potuerit foemellæ huic. Divina igitur
abs.

absque dubio fuit voluntas hanc conservare ægram, ἡ δὲ Φα-
 ρεωθῆ ταῖς ἐργα τῷ Θεῷ ἐν αὐτῇ, & iste Medicus ex Gilead hunc
 morbum incurabilem redderet curabilem. Apprime Vog-
 ler. l. c. p. 290. scribit: *Accedit facile fieri posse, ut natura quo-*
que & propter pure naturales causas tale muliebri profluvi-
um curationem amplius non admittat, interim in hac muliere
fortassis Θεῶν τὴν accessisse, omniaque medicamenta licet dextre
adhibita vi sua fuisse privata, quod a Christo demum mira-
culose curanda foret mulier. προσελθῶσα ὅπ. Θεῶν, ἡψατο τῆς κρη-
 σσίδος τῆς ἰμᾶθις αὐτῆς, καὶ παραχρῆμα ἔση ἡ ῥύσις τῆς αἱμᾶθις
 αὐτῆς. *Accedens retro tetigit fimbriam vestimenti ejus, &*
confestim stetit fluxus Sanguinis ejus, Verba sunt Lucæ, quæ
 totam Curam miraculosam absolvunt, quæque huic §. fi-
 nem imponunt, cum quoad resolutionem horum verbo-
 rum conferendi venerandi Interpretæ, Polum in de Synops.
 Critic. T. IV. ad h. l. In fine tamen & hoc notandum duci-
 mus, fuisse & esse quamplurimos Historiæ Ecclesiasticæ Scri-
 ptores, qui asserunt: Hanc fœminam hæmorrhousam in-
 grati animi monumentum Medico suo Divino Statuam
 posuisse in urbe Paneade: Petiisse id ferunt ab Herode in
 libello supplici cui inscriptionem fecerit: *Augustum Hero-*
dem Toparcham Judæis pariter & gentibus Legislatorem,
Trachonitidis Regem Veronica honorabilis Paneadis incola, hu-
millime precatur &c. Herodis vero Responsionem hanc fa-
 ciunt: *Hæc in te, o Mulier, facta sanatio maximi sane digna*
est momenti. Abi igitur & statuam ei erige, qualem vis, hono-
rem optatum illi exhibens, qui te sanam reddidit. Materiam
 alii æneam, sic Euseb. H. E. L. 7. c. 18. Asterius apud Photium
 cod. 271. Philostorgius H. E. L. 7. §. 3. p. 87, Nicephorus H. E.
 L. 10. c. 30. Job. Molala in Hist. Chron. p. 305. addit illam auri
 aliquantulum & argenti admiscuisse, Alii plane auream sta-
 tuunt. Quoad Numerum Eusebius duplicem juxta januam
 do-

domus docet, uni scil. columnæ mulieris effigiem fuisse impositam, genibus flexis protensisque manibus supplicantis: Ex adverso Viri sc. Christi stantis ac diploide decenter induti manumque mulieri porrigentis. Cum e contrario cæteri autores citati unius tantum mentionem faciant. Quæ pluribus deducta legere possumus apud *Joh. Schmidium, Prof. Lips. celeberrimum, Præceptorem olim meum pie venerandum, in Disp. de Statua Hamorrhousæ Lips. 1698. hab.*

§. 3.

Luc. XIII. v. II. Quæ morborum species indagitetur, cognitu sane difficile Autores judicant, πνεῦμα ἔχουσα ἀσθενείας verba sunt, quæ in diversas maxime explicandi methodos traxit interpretes. *Brut. & Bez.* Spiritum, reddunt, efficientem invaliditudinem seu morbum, ut spiritus avaritiæ, fornicationis, i. e. Spiritus impellens ad avaritiam, fornicationem &c. Ita & *Piscat. Grotius* existimat posse quidem πνεῦμα Hebræorum more pro ipso morbo accipi, sed cum infra aperte dicatur a Satana immissum hoc malum, præstare ita intelligi, quomodo πνεῦμα ἄλαλον dicit Marc. 9. v. 17. Dæmonium, quod loquendi facultatem impediat. Alia explicatio *Lightfooti* est in *Hor. Talmud. ad b. l.* ex cujus sententia Scriptor S. forsan spiritum ἀσθενείας dicit per antithesin ad Spiritum ἀκαθαρσίας immundum (quem a Spiritu malo morbos infligente distinguebant; sub cujus agitatione esse putabantur, qui inter sepulchreta, loca immunda vel sponte pernoctarunt, vel ambientes afflatu spiritus immundi s. diaboli exagitabantur) & ad νόσον ἀκαθαρσίας morbum immundum, quem inflixit Dæmon, *Voglerus de Reb. Nat. quarum in Scriptura Sac. fit mentio p. 321* hunc affectum a maligno quodam spiritu fuisse inductum etiam affirmat, atque hanc historiam manifestum nobis præbere exemplum, quam sæpe plurimis morbis divini quid insit, docet.

Quic-

Quicquid interea sit, sufficit incurvatam fuisse. ἢ συγκύ-
 πτωσα dicit s. Codex, Curva seu Incurva, Tremell. & Syr.
 Capellus Gibbosam vertit. Æthiops Complicatam.
 Erasmi & Vatabl. Contracta & deflexa toto corpore
 sc. in terram, quemadmodum & Nazianzenus συγκύ-
 πτειν non male exponit κάτω νέειν Sic & LXX. Job. 9.v.27.
 συγκύψαι προσώπῳ vertunt Hebr. יָפַק פְּנֵי הָאָדָם i.e. relinquam
 vel dimittam vultum meum. Ader. de Morb. Bibl. cap. 3 non
 solum gibbosam statuit, sed & convulsam, idque empro-
 sthotono, quæ tensio est flectentium musculorum in ante-
 riora, præ qua jam diu arcuata ac inflexa permanserat, mar-
 cida & nutritia vi destituta hectica facta, ac proinde incu-
 rabilis, quia sic citas convulsioni juncta erat, juxta Hippo-
 cratem. Additur a Luca, καὶ μὴ δυναμένη ἀνακύψαι εἰς τὸ
 παντελές. D. Luther. Und konte nicht vob! auffsehen, quan-
 quam in Textu omnimode denegetur ipsi, quod se erige-
 re juxta Arab. l.c. recurvare & caput attollere Grot. l.c. ex-
 tendere se ex Syro potuerit; ut hinc Vogler. l.c. p. 319. com-
 mentetur: Mulierem hanc fuisse corpore plane incurvato, ita
 videlicet, ut toto pectore prone incesse, qualem anum quan-
 dam ante aliquot annos hic quoque novimus, ex Grecis verbis
 plane apertum est. Illustrare possunt explicationem hanc
 Medicam hujus Clar. Viri Fel. Würtz. Opp. p. m. 773. verba:
 Ich selber habe es an den Kindern erfahren, deren ich mich
 doch nicht habe dürffen annehmen, dann ich doch vob! wu-
 ste, daß niemand dieses (loquitur de Nutricibus, quæ pusio-
 nes in ulnis gestantes sæpe per incuriam retro flecti Germ.
 überschlagen patiuntur.) wolte gethan haben, und nichts de-
 stovveniger sahe, daß dem Kinde sein Rückgrad entzuvay-
 ware, und die Spondoli oder Würbel von einander gerückt,
 oder so viel gewichen waren, daß man sie nimmermehr auff
 B ein-

einander behalten mochte. Wann nun dieses einmahl geschisbet, so vverden dann Leute draus, so hernach gebogen gehen, oder zu beyden Seiten hincken, daß ihnen auch das Haupte zwvischen die Beine vwachsen vwill. Judicare ex his forte poteris L. B. qua ratione Dæmon hoc introduxerit malum, fieri enim potuit, ut vel per emprosthotonon continuum, vel per modum, quem *Felix Wurtz* descripsit, in tenerrima ejus ætate suæ satisfecerit libidini nocendi generi humano. Iste interim qui Verbum Essentiale & de quo jam olim Sybilæ cecinit Oraculum: πάντα λόγῳ πράττων, πᾶσάντε νόσον θεραπεύων, unico verbulo hanc miseram pristinae restituit Sanitati, idque præstitit, quod nemo mortalium præstare poterat, nec potest. Licet enim in Convulsionibus atque Luxationibus remedia adhibenda a Medicis tradantur, c.g. Aq. Lil. Convall. Aq. Hirund. cum Castor. Calend. Tiliæ, Castor. ejusque Essentia præsertim cum Spir. sal. arm. & sal. volat. succini parata, Specif. Cephal. D. M. Pulv. Bezoard. Cinnabarina, Unic. foss. Crân. human. Ebur, Ungul. Alc. Visc. querc, Rut. Spir. Vol. C. C. Lycopod. farina & Coryli quam sulphur vegetabile vocant in Aqv. Lil. Convall. exhibita, ejusque Tinct. cum Spir. Sal. Armon. Ita Olea varia e.g. Terebinth. Lumbr. Terrestr. Succini, Juniper. Spic. Pingv. human. &c. Hæc licet sint Remedia satis tuta humanæ imbecillitati, ægram tamen per 18. annos, ἣν ἔδησε ὁ σατανᾶς, his nedum verbulo sanam reddere velle, res impossibilis foret, ut hinc Virtutem ex Christo exeuntem satis pie admirari vix valeamus.

§. 4.

Adjungimus his ægris foeminis & tertiam, Socrum scil. Petri, cujus status morbosus Matth. VIII, v. 15. Marc. I. v. 29. & Luc. IV. v. 38. descriptus legitur: Ἦν συνεχομένη ποσὶ τῷ μεγάλῳ. Tenebatur febris magna. D. Luth. Sie vvar mit ei-

einem harten Fieber befaßt. καίκειτο πυρέσσοντα. *Decumbere febricitans*. D. Luther. *Die Schwieger Simonis lag und hatte das Fieber.* εἶδε τὴν πρὸν δερὰν αὐτῆς ἐβλημένην καὶ πυρέσσοντα. *Vidit Socrum ejus jacentem & febricitantem*. D. Luther. *Und sahe daß seine Schwieger lag, und hatte das Fieber,* Observationes sunt Medicæ Evangelistarum & relationes. Consentunt igitur in eo, quod febris laboraverit; cujusnam vero indolis fuerit, non expressere Sancti Viri. Lucas interim πυρετῶ μεγάλῳ, eam decubuisse dum adserit, & reliqui πυρέσσοντα, quoque describunt, hinc plerique Medicorum suspicantur Febrem fuisse ardentem, quam alias & καύσον dictam a Natura ignea hoc vocabulum adeptam statuunt. *Aderus l.c. de Loco sollicitus seu Domicilio hujus ægræ idem intendere videtur, dum commentatur: Locus seu Capernaum fuerit vel Bethsaida (uterque enim erat ad littus maris Galilee) calidus erat siccus, salsus & retorridus, unde tale mulieris temperamentum.* Verum licet concedamus iis Medicis ἀπὸ τῆς πυρὸς ab igne suam originem trahere vocabulum πυρετός, simpliciter tamen ex hac ætiologia Conclusio non sequitur, quippe Græci in genere Febrem hoc vocabulo exprimunt ob calorem præternaturalem, quem febres præ se ferunt omnes. Eandem rationem quoque agnoscunt Chaldæi & Talmudistæ, dum febrem נִשְׁתָּא vocant sc. ab נֵשֶׁא Igne, & dum illis נִשְׁתָּא דְּסִתְרָא מִרְקִיטָא febris hyemalis gravior est febri æstivali *Joma. fol. 91.* additur illustratio ab igne desumpta, quod sicut fornax in hiemali frigore plus ligni requirit, ut calefiat, quam in ætate: Sic febris in hyeme majorem calorem concipiat, corpusque magis incendat: Idem Syrus approbat, cui נִשְׁתָּא appellatur l.c. Alias in Scriptura S. V. T. generalem denominationem febris non inveniri, sed דִּלְקָתָא item חֲרָרָה & קִדְרָה. Febrem ardentem significare tradit *Buxtorf.*

qui & וַיִּשָּׁר quod D. Luth. Febrem vertit, per Inflammationem vel morbum ardentem reddendum statuit. Nobis cum Voglero l. c. p. 265. *quam febri Petri Socrus laboraverit perinde est, quum ex nullis conjecturis illud ipsum possit definiri, etsi Lucas IV. 28. dicat, eam fuisse detentam πυρετῶ μεγάλῳ.* Parum quoque refert qualinam febre corrupta fuerit, cum vis miraculi in Curatione plane inusitata consistat. Consistebat vero Curatio in eo, quod Christus fuerit ἐπὶ τῷ ἀνθρώπῳ αὐτῇ, *adstans super eam, Pisc. Imminens ei, Brut. D. L. Ertrat zu ihr.* gestus enim erat inclinantis sese ad fulcrum lecti, ut eam manu prehensa allevaret. Sic Beza ad h. l. D. Lutheri versio certe maxime H. GROTIUS arrisit, dum illi videtur addito ἐπὶ τῷ ἀνθρώπῳ nihil aliud, quam accessum de proximo significari. Ita enim וְ LXX. 2. Sam. 1. 9. ἐπὶ τῇ θύρῃ ἐπὶ τῷ μισθῷ, i. e. propius ad me accede. Et hanc Grotii versionem Lutherus quoque l. c. approbasse legitur, dum verba hebraica וַיִּשָּׁר נִצַּחְתִּי מִפָּנָיו vertit, *Tritt zu mir*, ut adeo hi viri Hellenismum in Luca agnovisse videantur. Quicquid sit hoc certum est, propiorem accessum Christo placuisse, quem etiam Marcus expresse doceth. v. καὶ προσελθὼν. *Imperavit deinde Febri*, quo ritu, non liquet, verbisne id fecerit Servator, an ille jussus in manu ejus apprehensione seu tactu, & ut Marcus, (qui ex sententia Grotii hujus historiae circumstantias ex Petro propius didicit) addit, *Elevatione seu Excitatione agra* constiterit, sicque magis realis quam verbalis seu Oralis jussus fuerit, decidere non possumus, sufficit enim *Febrem eam dimisisse*, illamque restitutam Christo Medico suo grata & devota praestitisse officia. Vidimus Miraculosam Christi Curam, nunc etiam Methodus nostra postulat, ut videamus, quæ humana Methodus febres curandi, quæque adhibeantur remedia. Præmittimus vero generalem Febris descriptionem quod sit Turbata Sanguinis

Mixtio

Mixtio cum *ἀταξία* Spirituum animalium ; quæ pro particularum incongruarum sanguinem & humores ingredientium diversitate variæ indolis existit. *Causam* hinc atque Essentiam Febris in eo consistere statuunt Medici recentiores, quod Sanguineæ Massæ tale quid permisceatur, quod nec in particularum figura earundemque motu cum ipso sanguine habeat proportionem, sicque insolita fermentatio & motus inordinatus vel Sanguinis vel Spirituum animalium oriatur ; quæ brevibus dicta Autores recentiores prolixius deducunt. *Prognosin* quod attinet, Turbatio Sanguinis quo major vel minor, eo febris etiam majus vel minus periculum infert. Urina turbida nullum deponens sedimentum, magnam humorum turbationem indicat, & vice versa. Pulsus debilis dubii eventus prænuntium est. Autumales febres magis periculosæ sunt, quam vernales &c. quæ apud Practicos passim legi merentur. In Cura quamplurimas ducere possemus lineas, cum nullus affectus tam decantatus quam quidem hic noster, & tum Veterum tum recentiorum Medicorum, imo & vulgi tum innoxia tum superstitiosa recensere remedia, sed jure abstinemus. Et cum pro varietate Februm varia quoque atque diversa requirantur Medicamenta, ideoque quæ hypothesein spectant in thesi determinare non possumus. Abrumpimus filum, & DEO T. O. M. nos nostraque studia devote commandamus.

SOLI DEO GLORIA.

COROLLARIA.

I.

Ut omnis generatio sic & hominis ex Ovo fit, interim tamen non concipitur Homo formaliter ut Ovum.

II.

Huic ita dicto Ovulo vel potius vesiculæ Limpidus inest liquor, cui punctum Seminale inesse arbitramur, in quo stamina futuri animalis delitescunt concentrata.

III.

Hæc stamina concentrata impulsu Seminis virilis excentrica fiunt mota, explicantur & ad propriam speciem fabricatur corpus secundum magnitudinem, qualitates, figuras & reliquas signaturas sibi convenientes. Quod si Fermentationis nomine insignire velis, non contradicimus.

IV.

Ut ex Dispositione Divina equus equum, Leo leonem, sic & Homo generat hominem, ideoque etiam animam non separatim a Deo creari, & circa tempus aliquod certum infundi foetui, quin potius illam cum corpore simul generari asserimus.

V. Ex

V.

Ex Vermiculis, quos Leeuvvenhoeck per Microscopia in Semine canino detexit, foetum fieri, licet datum verminosum fuisse Semen non negemus, inanis speculatio est.

VI.

Illum qui ex intentione mulieri prægnanti abortum procurat, ex th. 4. homicidii reum esse putamus.

VII.

Uti Transmutatio Metallorum per tincturam universalem sive Lapidem philosophicum; sic & morborum Curatio per illum fit, & uti veritas ejus novissimo exemplo satis constat, sic & Panacæam dari sustinere non veremur.

VIII.

A dicto Mendacio Pustulas in extremitate Linguae uti Theocritus Idyll. IX.

Μηκέτ' ἐπὶ γλώσσας ἀκρας ὀλοφυγδὸνα φύσης.

Non amplius in linguae summitate pustulam produxeris.

oriri, credere penitus superstitiosum est: Uti & Capillorum Defluvium, Ungvis Dentisque Deformationem, aut maculas secundum proportionem suam delictum aut gravius aut levius indigitare commissum. Quod & olim cognovit Ovid, L. 3. Amor. Eleg. 3. ubi inquit:

Esse

Esse DEos credamne? Fidem jurata fefellit.

Et facies illi quæ fuit ante manet.

Quam longos habuit nondum perjura capillos,

Tam longos postquam numina læsit, habet.

Et Horatius L. 2. Od. 8. Carmin. de Paryne sua
quoties etiam pejeraverit, pulchriorem tamen
semper fieri memorat seqq.

Dente si nigro fieres vel uno

- - - Turpior ungui,

Crederem, sed tu simul obligasti

Perfidum votis caput, enitescis

Pulchrior multo - - -

IX.

Astrologia licet multis fabulis involuta, in-
terim a Medico contemnenda non est.

X.

Agnos in Tartaria e Terra nasci & subti-
lior commentatio de Melone agniformi (Bo-
ranetz vocant) purum putum figmentum est.

